

Dadus relata 09 Juñu 2020

SUMÁRIU

- Ministériu Saúde no OMS, hamutuk halo lansamentu ba projetu monitorizasaun no avaliasaun ba responde COVID-19 iha Sentru Saúde Komunitáriu (SSK), projetu ida ne'e hetan apoiu hosi Korea International Cooperation Agency (KOICA). Rezultadu hosi vizita ba SSK hirak ne'e sei partilla ho administradór nasional, distritu no SSK sira hotu, no lakuna sira ne'ebé halo ona diskusaun liuhosi mekanismu sensitizasaun iha distritu sira. Ekipa neen, kompostu hosi médiku OMS, ofisiais MS no pontu fokál vijilánsia nian ne'ebé maka halo avaliasaun ba facilidade saúde no pesoál saúde sira-nia prontidaun iha SSK ba COVID-19. Alende atividade M&E, OMS mós fornese suprimentu ba saúde esensial no ba hamoos nian hanesan deterjente, sabaun, desinfetante ba kada SSK bazeia ba eziénsia. Atividade iha terrenu sei kontinua to'o 19 Juñu no sei atinji to'o SSK 70 iha munisípiu 13.
- OMS fornese tán *primer no probes* ba Laboratóriu Nasionál Saúde (LNS), hodi apoiu LNS halo tan teste 2,500. Iha fulan Marsu OMS fornese ona *prime no probes* ba LNS ho kuantidade teste 1,000.
- Atividade risku komunikasaun no envolvimentu comunidade hosi MS no parseiru sira ba to'o ona Rejiaun Espesiál Oecusse, nunez atividade ne'e kobre ona munisípiu 13 iha territóriu hotu. Esforsu balun sei iha prosesu nia laran hela hodi hala'o tan atividade ba comunidade sira ne'ebé maka seidauk to'o ba iha atividade sira hala'o antes, no sei kontinua hasa'e konxiénsia ba comunidade sira ne'ebé to'o ba tena.
- UNICEF fornese autoflante 150 no ekipamentu relasiona ho komunikasaun ba Ministériu Saúde atu utiliza iha sentru saúde komunitáriu 70 iha territóriu tomak no iha servisu saúde distritu iha munisípiu sia ba esforsu kontinuasaun hodi atinji ba comunidade iha Timor laran tomak kona-ba mensajen prevensaun ba COVID-19.
- Ministériu Saúde no UNICEF lansa ona kántiku ho mensajen prevensaun hotu ba COVID-19. Ida ne'e prodús hodi kantora Timor oan nain rua no kántiku ne'e bazeia ba kántiku popular hosi kantora sira.

SITUASAUN IHA NÚMERU

Totál no kazu (foun) iha Timor-Leste

24 konfirmadu (foun 0)

0 mate

(Bazeia ba dadus ne'ebé públika iha [Centro Integrado Gestao de Crise](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente



6 931 000 konfirmadu (131 296)

400 857 mate (3469)

AVALIASAUN RISKU OMS

Nível Globál Aas tebes

- UNICEF f6 apoiu ba MS hodi hadia fali ekipamentu ba *cold chain* no *remote temperature monitoring* iha SAMES. Alende ne'e, UNICEF m6s f6 apoiu ba MS pakote internet ba *remote temperature monitoring* ba ekipamentu *cold chain* durante fulan 12 iha munisípiu 13.



OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigorozu tebes no hasa'e kapasidade ba IPC nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájjina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
 - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-